

BERNARDINI
TOMITANI
THETIS.

IN ADVENTV REGIS
HENRICI III. GALLIAE
CHRISTIANISSIMI,
ET IIII. POLONIAE SERENISSIMI.

Ad Felicissimam Venetiarum Urbem.



VENETIIS, MDLXXIIII.

BERNARDINI
TOMATI

THE

IN ADVENT

HEMELI IN GALLIAE

CHRISTIANISSIMO

IT IN COLONIE GERMANIAE

Ad Festum Venerabilium




VERMISCHT



AD MAGNIFICVM
A LOYSSIVM
MOCENICVM,

CLARISSIMI IOANNIS
FILIVM.




LITIRVS Hadriaco legeret cum lictore
concas,
Et legeret scopulis ostrea magna suis,
Dona tibi ut referat, pelago quasita pro-
fundo,
Olim quo niteat lana cruore micans:
Lana Deum, cuius Romanus vellera PASTOR
Tingit, sacri lega non violanda manu:
Protinus alma THETIS vitreo de gurgite surgit,
Sternit et undisoni turgida regna maris.

A 2 Plena

Plena Deo tandem fruuentia pectora soluens,
HENRICI laudes & monimenta canit.
Ille autem numeros recolens, tibi munera mittit,
Dans Moccenice animi pignora certa sui.
Interea dum longa neunt tua stamina Parca,
Expediet reliquum, quod modo cepit opus.

M O C C E N I C E

C L A R I S S I M I T O M I N I S
F I L I V M



ET ITA IN

LIBRARIIS

LIBRARIIS

LIBRARIIS


Suspensum

Librariis



BERNARDINI TOMITANI

THE TIS.



AM vigil è roseis Aurora cubilibus
orta.

Purpureis radiabat equis, cœloq; ru-
bebat.

Prima renascentis referens exordia
lucis:

Cum THETIS Hadriaci verrentes æquora puppes
Cernit, & auratam pelago splendere carinam;
Qua Sacer HENRICVS vehitur, rex magnus, & Heros,
Sarmatiæ imperio nuper, scœptroque decorus,
Nunc patriæ imperio, & scœptis maioribus auctus.
Illa quidem iuuenis regalia membra reuoluens,
Et nitidos oculos, & claræ frontis honores,
Insertosque graues animos iuuenilibus annis,
Constitit, & toto demulcens æquora ponto

Fatorum.

Fatorum seriem referat Dea magna latentem :
Talibus & dictis venientia facta, resoluit.

Dum lento tranquilla gradu secat æquora puppis,
Et ferit aurato spectantia lumina visu :

Dum pro te VENETAM replent noua gaudia pubem ;

Quæ lateri stipata tuo circumtonat ardens ,

Et te Gallorum dominum , regemq; salutat ,

Tu Thetidis Rex magne tuas da vocibus aures

Si vacat , & grauib; præstat secedere curis

Paulisper , comitemq; Deam sentire canentem .

Nam tibi fatales studeo prædicere cursus ,

Atque arcana Deum regales ducere ad aures ;

Quæ docuit Protheus , pecoris custodia fida

Æquorei , plenam tribuit cui numine mentem

Iuppiter , & seriem venturi ferre per auras .

Ilipes Europæ , Diuum genus , omine fausto ,

Virtutiq; tuæ capias iam debita regna ,

Regna armis , & foeta viris , assueta triumphis ;

Quo tua perpétuis spirant annalibus acta ,

Et partis decorata manent pia templa trophæis ;

Dum patriæ te pungit amor , pietasq; Decorum ;

Nec trepidans metuis laudari vulnera ferri ,

Nec belli faciem , nec martia signa perhorres .

Armipotens vnum te Gallia tota moratur

Gallia diues opum , & populis vndantibus aucta ,

Illam tui desiderio tabescit acerbo ;

Suspirantq;

Suspirantq; Alpes gelidæ, Rhodaniq; fluenta,
Aduentus tanti solacia grata diei:
Scilicet has sedes, atque hæc moderamina tanta,
Ipse Pater dederat, superûm quo iura Deorum.
Victor agas, populis æternâq; fœdera iungas:
Ciuilesq; animos tandem Pax alma reuifcat,
Et Superis dilecta Fides, & honesta Voluptas,
Atq; Amor, & Pietas, & Recti pulchra cupido:
Qua sine nulla tuis quæretur gloria rebus,
Seu paci studeas, seu sint tibi bella gerenda.
Ah ne iterum stimulent odii fera semina, corda:
Ah ne iterum cædis crescat uesana libido.
Sat uisæ scelerum pestes, sat feruidus hostis
Iam regni faciem, iam deformauit honores.
Heu! duras acies, & prodiga pectora vitæ
Vidimus, & multo maculari sanguine campos;
Atq; hinc cærulei fœdari marmora ponti,
Frater ubi inuictus bello premeretur acerbo,
Staret & imperium titubata mole reuulsum.
Quid memorem infandas strages, & templa Deorum
Sacrilega uiolata manu, crudelibus ausis?
Quidue etiam raptis spoliata altaria sacris?
In cineres conuersa Deûm simulacra nefandos?
Non mihi dilectæ Halcyones, non littore Mergæ
Constitorant, niuei non roscida gramina Cycni
Quærebant, dulci complentes æthera cantu.

Quin

Quin procul à nobis latitantes rupibus altis
Et nemora, & scopulos mœsto clamore replebant.
At uos ò Nymphæ, diuino semine cretæ,
Noster amor, viresq; inæ, mea summa uoluptas,
Carice non tantum, aut molli latuistis in alga,
Candida sed sæuis pulsantes pectora palmis
Imo uos thalamo, atq; antro interiore locastis.
Ipsa quoq; (ò pietas) abiit temerata profano
Milite Religio, & cœlestia templa petiuit;
Quo Diuûm ultrices lachrymis incenderet iras:

Ipse autem iuuenis cœlo confise secundo,
Exemplò vexilla dabas spirantibus Euris;
Iam puer assuetus pictis splendescere in armis,
Doctus & instructas equitum ductare cohortes,
Irruere atque illis obstantem primus in hostem,
Et densos cuneos rapida turbare procella.
Interea metuenda manus, tua signa secuta,
Auspiciis firmata bonis, fatisq; benignis,
Proturbans acies, glomeratos disiecit hostes,
Hostilesq; ausus, inimicaq; castra lacescit.
Ac ueluti Caphiis spatiosa in montibus ornus,
Annosa aut quercus sublimi in rupe Taburni
Ingenti trunco, & firmis radicibus hærens
Prælia uentorum, atq; horrendas despicit iras:
Si tamen hinc Aquilo gelida demissus ab Arcto
Irruat, ac summo stridens det sibila cœlo,

Sterni-

Sternitur illa solo, & magno ruit icta fragore:
 Sic aduersa cohors, hostili Marte superba
 Te uictore cadit longo discrimine pugnae
 Extremumq; fuga, aut precibus solata dolorem.

Sæpius hinc renouas duri certamina belli,
 Oppositaq; manu cladem conuertis in hostem.
 Horruit inuictas acies Aulercus, & audax
 Ipse Rhemus, fortiq; tua sub cuspide fractus
 Terga dedit Sequanusq; ferox, & Lingonas acer,
 Gens animis aduersa ruit, furor illius omnis
 Concidit, vt coluber duro contusus aratro.
 Inde iugo subiecta iubes supponere colla,
 Captiuosq; duces regalia mandere fræna.
 Vsq; adeo te iura Dei, rectumq; piūq;
 Sollicitant: sic peruestigia magna tuorum
 Ibis in eternos æui uenientis honores,
 Cognatos aucture Deos; cui gloria signat
 Pulchra viam, summoq; locat tua nomina cælo:
 Tu tamen imperio terræ, scæptrisq; beatis
 Fascibus emeritis, & maiestatis honore
 Vtere: tum iustas libeat te condere leges,
 Et seruare fidem, & populis dare iura subactis:
 Tum Regni lustrare vrbes, aulamq; superbam
 Omnibus Imperij latè concedere terris.

Ipse autem auratis venies spectandus in armis
 Sublimi deuectus equo, qui spumea mandat

Fræna ferocæ, pedibusq; imam pulsabit arenam.
Tergora cui fuerint, massylo equanda leoni:
Et quæ permulto spolijs radiantibus auro
Spectantum feriant regali lumina cultu.
Pone sequens te turba Ducum comitabitur ingens,
Et generosa manu fremet, & fremet arma iuuentus
Impatiens, regemq; suum cataphracta sequetur.

Verum ubi iam satis hinc dederit te in prælia Mauors;
Hostilesq; tubas, & martia castra secutum,
Et regni requiem vinculis compegeris arctis,
Protinus alma Venus, cælo gauisa sereno
Fœdera coniugij, & thalamos meditata futuros,
Regalemq; torum, & connubia sancta parabit.
Edita tum virgo summo de sanguine regum,
Olim formosa faciet te prole parentem;
Quæ mox diuino fecundet semine regnum,
Heroum numerum, quæ cœli repleat atra.
Et Triuicæ canos referat sub pectore mores,
Palladis ingenium: forma & spectabilis omnes
Splendeat ante alias, qualis Latonia Luna
Inter signa micat, cœlo spectanda sereno.

Fortunate tuis assurget laudibus Indum
Qui colit, & primi prospectat lumina Solis:
Assurget patrij qui flumina gustat Iberi,
Quiq; videt Phœbum laxantem fluctibus axem.
Fortunate iterum, magni quem clara LEONIS

Colli-

Colligit Vrbs gremio, & meritos persoluit honores.
Maximus hinc Heros MOEENICAE gloria gentis
Temporibus duris, afflicto redditus orbi,
Præsidium, inter dona Deum memorabile semper,
Gaudet ouans, tollitq; tuas ad sydera laudes:
Suspicit & iuuenem vitæ florentibus annis
Insignem studio pacis, belloq; potentem.

O quales HENRICE tibi tua Gallia soluet
Ingentes grates? quantos tibi laudis honores?
Mille tibi Rhodanus referet per littora palmas,
Mille tibi instituent populi per mœnia ludos.
Teq; patrem patriæ geminabunt vocibus altis
Vnanimes: quando tu Rex, tu maximus ille es,
Excubat interno præsens cui pectore virtus:
Quem pietas, quem laudis amor comitantur euntem.
Qui patriæ vindex vlticia corripis arma
Pro re communi, pro libertate Deorum.
Sic vagus Alcides, cœlo scintillat ab alto,
Romulus, & Liber fulgentibus emicat astris.
Vos populi properate nouo noua gaudia plausu:
Namq; alium regem, uobisq; recentia scœptra
Dat Pater æthereus: iuuenem qui fontibus ausis,
Præstantiq; animo uobis læta ocyà iungat,
Auspicioq; nouo leges, & iura reformet:
Et qui subiectos paribus compescat habenis:
Quiq; vrbes recolat, tum tristia bella perosus

fortibus

Optatæ foneat studium, & pia munera pacis,
Inferat & sceptris ciuilia corda superbis,
Et totum soluat longa formidine regnum,
Et Genium, & Charytes terris concedat auitis.
Qui Tyberi addictus, magnæ qui mœnia Romæ
Suspiciens, superis violatas erigat aras,
Sublatosq; diu templis imponat honores.

Interea nitido dum fulget ab æthere Titan
Aureus, & rosca perlustrat lampade terras,
Te iuuet Hadriaci iam iam spectacula ponti
Visere; dum tumidus tacito silet æquore Triton,
Almaq; tranquillis ridet clementia in undis.
Nam pelagi undifonus subitauit marmora Nereus,
Et nos Nereides placidis colludimus undis.
Non ullæ crepitant auræ, non murmura raucus
Ingeminat Phorcus: longo nec spumea tractu
Littora ab Ioniis resonant pulsata procellis.
Quin croccis Aurora diem fert luthea bigis,
Et tibi nunc Charytes arrident lumine blando.
Ipse etiam leuibis percurrens æquora monstris
Neptunus grato permulcet cærula uultu.
Iam pater Oceanus, iam flauicoma Amphitrite
Gurgite marmoreo, thalamoq; egressa liquenti
Aurato uolitat curru, uada salsa pererrans,
Hauriat ut uultum, atq; oculis tua lumina signet,
Lumina sydereo cœli perfusa nitore.

Ipse

165
Ipsa quoq; ambrosiam diuino vertice fundens
Accurrit, deuēcta leui Venus aurea conca,
Illustrans latē radiantibus æthera flammis:
Nam te gradiūm reputans per cærulea uectum
Suspirat, magnoq; tui tabescit amore.

Ipsa autem dilēcta mihi soror HADRIA tantum,
Quantum grata mihi prognatæ Doridos unda est,
Quam pater Oceanus liquidis interfuit undis,
Cærulei Regina maris, celeberrima Nymphas
Æquoreas inter: castum quæ intacta pudorem
Seruat adhuc, longum nunquam uiolanda per æuum,
Vnum te excipiet uenientem mollibus vlnis.

Et iam iam dulci percurrunt æthera cantu
Assuetæ pelagi Halcyones uolitare per oras,
Nec non Hadriacis centum quas condit in undis
Nereides, centum genuit quas æquore uasto
Oceanus rerum dominus, longæua propago,
Incinctæ adproperant alga, muscoq; uirenti,
Flauentesq; comas delectis floribus ornant.
Illa rosas, niueis hæc lilia candida palmis
Demetit, & molles contextit ferta per agros.
Ast aliæ curuo sparsas in littore concas.
Expediuntq; imis auulsa coralia faxis,
Vt tibi constituent mediis in fluctibus aras,
Et niueo referant suspenſa monilia collo.

Interea auratis fæcula pensis

Parca

Parca neat, seruinq; secet Proserpina crinem,
Florentesq; annos ad grandia vota referuent,
Atq; alios referant venientia Fata triumphos;
Quos legat occiduis; quos iam miretur Eous,
Et memorent lybici, & glacialis cultor Inai:

Salue Hero's, inuicte Heros, Dijs equa propago,
Flos iuuenum, teneris quem gloria pascit in annis:
Aurea quem virtus, pietas quem dia sereno
Addiciet caelo, & fulgentibus inseret astris:
Gallia cui meritò sceptrum concessit auitum,
Mox capiti auratam referet de more coronam.

F I N I S